

46. Priusquam nunc subjiciam
Juxta vocem propheticam,
Quia fimum descripsimus,
Non gallum praeteribimus.
47. Per gallum decentissime
Doctores subintellige,
Qui voce, gestis clamitant,
Auditores ne torpeant.
48. Se ipsum prius exerit,
Dum latus alis percutit,
Ut ipse primum sentiat,
Quo subditis annuntiat.
49. Edit voces productiles
Nocte, cum stertunt homines,
Nam opus est clamoribus,
Coecantur dum erroribus.
50. Sub lucem crebro perstrepit,
Signans horam judicii,
In qua nox hujus seculi
Perhenne mane deperit,
51. Voce cum sic circumtonat,
Obsurdescentes fulminat,
Suo monens hortamine,
Jam nos de somno surgere.
52. Non est res incredibilis,
Doctores posse fieri
Divinis juvaminibus
Solutos a criminibus.
53. Etenim post apostolos
Praedicatores inclitos
Errorum coeno fetida
Emisit idolatria.
54. Quos sal salvator nominat
Loquela narrans tipica,